

# REGLUR

## um innkaup og sölu áfengis og skilmálar í viðskiptum við birgja.

### Reglur um innkaup og sölu áfengis.

Áfengi er deilt í 5 söluflokka:

- |                 |                 |                |
|-----------------|-----------------|----------------|
| 1. Kjarna       | 3. Sérflokk     | 5. Sérpantanir |
| 2. Reynsluflokk | 4. Mánaðarflokk |                |

Í *kjarna* eru sölutegundir (vörunúmer) sem flust hafa úr reynsluflokki í kjarna og vörur sem voru í þeim flokki 1. mars 1994 og eigi hafa fallið úr kjarna samkvæmt ákvæðum reglna ÁTVR um innkaup og sölu áfengis. Kjarninn er endurmetinn í mánuði hverjum. Nái sölutegund í kjarna ekki 1% af heildarsölu vörflokks<sup>1</sup> (í lítrum) á undanförmum 12 mánuðum fellur hún úr kjarna. Verði sú breyting á smásöluverði án aðgerða birgis að vara flytjist milli vörflokka (verðflokka) byrjar varan nýtt 12 mánaða tímabil í nýja vörflokknum. Birgðir þeirrar sölutegundar má þó selja sem um vöru í kjarna væri að ræða. Séu tvær eða fleiri sölutegundir sömu áfengistegundar boðnar til sölu og hvorug eða engin þeirra nær áskildu söluhlutfalli en samanlögð sala áfengistegundar nær söluhlutfallinu, þá skal sú sölutegund, sem mest hefur selst, haldast áfram í kjarna en aðrar sölutegundir skulu falla úr kjarna.

Áfengi í kjarna er til sölu í öllum aðalverslunum ÁTVR. Í verslunum ÁTVR í Borgarnesi, Ólafsvík, Stykkishólmi, Blönduósi, Siglufirði, Húsavík, Seyðisfirði, Neskaupstað og Höfn skulu a.m.k. 5 mest seldu sölutegundir af bjór vera falar. Í sömu verslunum skulu a.m.k. 3 mest seldu sölutegundir úr öðrum vörflokkum vera falar.

Í *reynsluflokki* eru að jafnaði 20% af tölu þeirra áfengistegunda sem eru í kjarna. Áfengi í reynsluflokki er selt í Kringlunni, Heiðrónu, á Seltjarnarnesi og á Akureyri. Áfengi í þessum flokki er í reynslusölu 8 mánuði. Að loknu því tímabili flyst sölutegundin í kjarna hafi hún náð 1% af heildarsölu<sup>2</sup> vörflokksins í þeim verslunum ÁTVR sem hafa vöru í reynslusölu. Við útreikning skal miða við sölu í 6 heila mánuði er næstir koma fyrsta mánuði sölutímans. Sé vörflokkur deilt í verðflokka skal sölutegundin vera í sama verðflokki allan reynslusölutímamann. Vara, sem fellur úr reynslusölu vegna ónógrar eftirspurnar, verður ekki tekin aftur til reynslu fyrr en 12 mánuðir hafa liðið frá því sölu hennar var hætt. Sé mikill fjöldi sölutegunda boðinn til reynslu getur ÁTVR ákveðið að taka aðeins eina tegund í hverjum vörflokki til reynslusölu eða á biðlista til reynslusölu frá sama birgi.

*Sérflokkur* tekur til vöru sem er keypt inn til að auka fjölbreytni í úrvali. Vöruvalsnefnd ÁTVR ákveður hvaða áfengi verði í sérvalsflokki.

Í *mánaðarflokk* fer áfengi sem ætlað er til sölu í ákveðnum mánuðum. Mánuðirnir eru þessir: Þorri, páskamánuður, október, jólamánuður. Sölutími mánaðavöru verður að hámarki 6 vikur. Dreifing fer fram í öllum verslunum ÁTVR. Tekið verður við mánaðavöru frá þeim framleiðendum sem hafa vöru í *kjarna*. Mánaðarvara þarf að hafa efnainnihald sem er frábrugðið allri annarri vöru sama framleiðanda.

<sup>1</sup> Með heildarsölu er átt við samanlagða sölu í þeim vínbúðum sem hafa allar tegundir í kjarna, að frátalinni sölu á vöru í sérflokki og sérpöntunum. Við mat á sölu í kjarna eða reynsluflokki er farið með verðflokka á sama hátt og vörflokka.

<sup>2</sup> Sölu í sérflokki og sérpantanir skal ekki telja með.

Sé mikill fjöldi sölutegunda boðinn til sölu í mánaðarflokki getur ÁTVR ákveðið að taka aðeins eina tegund í hverjum vöruflokki til sölu frá sama birgi.

Áfengi sem fellur ekki undir ofangreinda flokka, má *sérpanta*.

### Orðskýringar:

*Söluflokkur:* Röðun vöru í hóp eftir aðgengi hennar að verslunum ÁTVR. Dæmi: Kjarni.

*Vöruflokkur:* Skipan vöru í hóp eftir megineinkennum sem oftast tengjast mismunandi hráefnum eða framleiðsluaðferðum. Dæmi: Rauðvín, viskí.

*Verðflokkur:* Undirflokkur vöruflokks. Dæmi: Rauðvín á 1200 til 1666 kr. smásöluverði.

*Áfengistegund:* Vara sömu gerðar að efni til þótt einstakar einingar hennar geti verið breytilegar eftir umbúðum. Dæmi: Mateus rósavín.

*Sölutegund:* Vara sem er svo frábrugðin öðrum vörum að hún fær sérstakt númer og verð í söluskrá ÁTVR. Dæmi: 750 ml flaska af Mateus rósavíni.

### Áfengi í kjarna og reynsluflokki er skipt í eftirfarandi vöruflokka:

01 (1)	Rauðvín, verð undir 1200 kr. á lítra	14	Snafs
01 (2)	Rauðvín, verð frá 1200 að 1666 kr. á ltr.	15	Vodka
01 (3)	Rauðvín, verð yfir 1666 kr. á lítra	16	Gin
02 (1)	Hvítvín, verð undir 1200 kr. á lítra	17	Séniver
02 (2)	Hvítvín, verð frá 1200 að 1666 kr. á lítra	18	Romm
02 (3)	Hvítvín, verð yfir 1666 kr. á lítra	20 (A)	Líkjörar, minna eða jafnt og 22%
03	Rósavín	20 (B)	Líkjörar, meira en 22% m.v.r.
04 (1)	Freyðivín, verð undir 1200 kr. á lítra	21	Bitterar
04 (2)	Freyðivín, verð frá 1200 að 1666 kr. á lítra	22 (A)	Ávaxtabrennivín
04 (3)	Freyðivín, verð yfir 1666 kr. á lítra	22 (B)	Brennivín ótalið annars staðar
		22 (C)	Ávaxtavín
05	Styrkt vín	23	Vínblandaðir drykkir
08	Kryddvín	26	Ávextir lagðir í vínanda
10	Þrúgnabrennivín	60 (A1)	Bjór, undirgerjaður, verð undir 380 kr. á lítra
13	Viskí	60 (A2)	Bjór, undirgerjaður, verð yfir 380 kr. á lítra
		60 (B)	Bjór, annar

Vöruflokkum er unnt að fjölga með því að deila þeim upp í verðflokka. Upplýsingar um deilingu í verðflokka liggja frammi á skrifstofu ÁTVR.

*Nái heildarsala á tiltekinni sölutegund ekki 50 alkóhóllítrum á ári má fella hana úr kjarna.*

*Nái heildarsala í tilteknum vöruflokki ekki 500 alkóhóllítrum á ári má fella hann úr kjarna.*

### **Um meðferð tilboða á vöru í reynslusölu.**

1. Tilboð á að færa á skrá í þeirri röð sem þau berast. Skráin sýni nafn tilboðsgjafa, heiti vöru og umbúðastærð. Skráin liggja frammi í afgreiðslu ÁTVR, Stuðlahálsi 2, 110 Reykjavík, þeim til skoðunar, sem óska.
2. Tilboð og sýnishorn fara til vöruvalsnefndar sem metur vöruna og gefur skriflega umsögn, leggist hún gegn reynslusölu. Umsögn er föl þeim sem bauð fram vöruna.
3. Að fengnu mati vöruvalsnefndar skal tilkynna þeim sem tilboð gaf niðurstöðu. Hafi nefndin ekki mælt gegn reynslusölu, gengur innkaupastjóri frá samningi við tilboðsgjafa í samræmi við tilboðið og innkaupaskilmála ÁTVR. Samningur skal gerður a.m.k. 3 mánuðum áður en birgir hefur boðist til að afhenda vöru.
4. Pöntun á vöru fari fram skv. ákvæðum viðskiptasamnings, sbr. lið 3.

### **Um sérflokk.**

Vöruvalsnefnd ákveður hvaða tegundir áfengis eru falar í sérflokk. Skrá um áfengi sem selja á í sérflokk skal liggja frammi á skrifstofu ÁTVR í sex vikur áður en ákvörðun er tekin um kaup. Á skránni skal getið þess magns sem áformað er að kaupa. Verðboð berist frá birgjum fyrir lok áðurgreindra sex vikna. Berist ekki verðboð leitar ÁTVR eftir verðboði.

### **Um sérpantanir.**

ÁTVR heldur uppi pöntunarþjónustu á áfengi, sem ekki er boðið fram í öðrum sölu-flokkum.

Allar verslanir ÁTVR veita pöntunum á áfengi frá innlendum birgjum viðtöku enda sé vara sú sem eftir er leitað á verðskrá yfir sérpantanir. Fyrir hverja pöntun greiðir kaupandi 400 kr. í pöntunarkostnað sem eru óafturkræfar nema því aðeins að engin pantaðra tegunda sé fánæg. Greiðslan er óháð magni og fjölda tegunda. Varan verður afhent kaupanda í þeirri verslun sem hún var pöntuð í.

Þjónustudeild Heiðrúnar, Stuðlahálsi 2, sérpantar áfengi af frísvæði eða erlendis frá gegn greiðslu á 400 kr. pöntunarkostnaði og með sömu skilmálum og frá er greint í 2. mgr. þessa kafla. Að auki greiðir sá er pantar ÁTVR tryggingafé er nemur áætluðu cif-verði vörunnar. ÁTVR afhendir vöruna í þjónustudeild Heiðrúnar eða í þeirri verslun ÁTVR utan Reykjavíkursvæðis er kaupandi tilgreinir.

### **Skilmálar í viðskiptum við birgja.**

Reglur fyrir birgja sem selja vilja áfengi í kjarna, til reynslu eða í mánaðarflokk.

1. Senda skal ÁTVR tilboð um vöru, verð og staðfestingu þess að þeim séu kunnir innkaupaskilmálar ÁTVR og þeir séu reiðubúnir að hlíta þeim. Tilboði skal skila á þar til gerðum eyðublaðum sem ÁTVR lætur í té. Texti eyðublaðanna er á íslensku og ensku.

2. Innihaldslýsing fylgi bréfi skv. 1. tl. Litarefna skal getið og brennisteinstvíldis (SO<sub>2</sub>) séu efni þessi í vörunni. Lausir merkimiðar fylgi umbúðum. Merkimiðar beri með sér magn vínanda miðað við rúmmál. Sýnishorn a.m.k. 8 lítrar af bjór og 3 flöskur af öðru áfengi berist ÁTVR án endurgjalds a.m.k. fjórum mánuðum áður en vara fer í reynslusölu. Sömu reglur gilda um mánaðarvöru að því frátöldu að dagsetning skila á sýnishornum fer eftir ákvörðun ÁTVR hverju sinni.
3. Sölueining bjórs í smásölu innihaldi a.m.k. 1,5 lítra. Sama gildi um sölueiningu annars áfengis sem er undir 6% m.v. rúmmál. Hámarksstærð sölueiningar er 5 lítrar. Dósir verða að vera úr endurvinnanlegu áli með föstum flipa.
4. Tilgreint verði hvernær afhending vöru til ÁTVR geti hafist.
5. Þeir sem bjóða vöru í reynslusölu skuldbinda sig til að lána ÁTVR hana (cif-verð) reynslutímann. ÁTVR greiðir eiganda mánaðarlega andvirði seldrar vöru. Birgjar skuldbinda sig einnig til að taka til baka þá vöru sem óseld kann að vera við lok reynslutímans. Verði varan valin í kjarna fer samkvæmt samningi birgis og ÁTVR hversu mikið af hinni óseldu vöru ÁTVR kaupir. Taki birgir eigi við vörunni innan tveggja vikna frá því sölu í reynsluflokki lauk er ÁTVR heimilt að eyða vörunni á kostnað birgis. Reglur þessar gilda eftir því sem við á um vörur í mánaðarflokki. ÁTVR kaupir flestar vörur frá erlendum birgjum til sölu í kjarna á verði frá verksmiðju eða á fob-verði. Sé birgir utan Evrópu eða Bandaríkjanna kaupir ÁTVR vöru á cif-verði, Reykjavík eða fob-verði í höfn í Evrópu eftir því sem nánar semst um. Inkóskilmálar 1990 gilda um allar vörusendingar.
6. Áfengi í umbúðum, sem líkjast verulega umbúðum um óáfenga drykki, verður ekki selt hjá ÁTVR.
7. Áletranir og umbúðir verða að vera í samræmi við reglur og staðla Evrópusambandsins. Strikamerki - EAN eða UPC - verða að vera á hverri sölueiningu.
8. Merking á smásöluumbúðum bjórs verði þessi:
  1. Magn vínanda miðað við rúmmál eða þyngd. Viðmiðun við rúmmál er ákjósanleg.
  2. Nafn vöru.
  3. Nafn og heimili framleiðanda er fyllir á umbúðir eða selur ÁTVR.
  4. Innihald mælt í millílítrum eða sentílítrum.
  5. Endingartími: „best fyrir“. Bjór í flöskum eða dósunum hafi a.m.k. 6 mánaða geymsluþol.
  6. Innihaldslýsing t.d. vatn, malt, maís, humlar, ger, sykur, geymsluþolsauki E....., litarefni E....., hleypir E..... .
9. Bjór í reynslusölu og í kjarna verður að eiga a.m.k. 4 mánuði eftir af geymsluþoli þegar hann berst í vöruhús ÁTVR.
10. Birgjar geta hækkað verð sitt þrisvar á ári: 1. janúar, 1. maí og 1. september. Tilkynna skal verðhækkun skriflega með a.m.k. þriggja mánaða fyrirvara þ.e. eigi síðar en 1. október, 1. febrúar og 1. júní. Óheimilt er að breyta verði á áfengi sem er í reynslusölu og skal það verð haldast óbreytt næstu 6 mánuði flytjist varan í kjarna.
11. Vara, sem ÁTVR kaupir, skal vera óbreytt að gerð samningstímann nema ÁTVR samþykki annað. Það telst breyting á vöru fáa hún nýtt efnainnihald, þ.m.t. vínandastyrkleika, breytta gerilsneyðingu, stærð og útlit umbúða og gerð sölueiningar.

### **Reglur fyrir birgja er bjóða áfengi á pöntunarlista.**

Verð: Verð skal vera í íslenskum krónum. Verði sérpantana er aðeins hægt að breyta við gildistöku nýrrar verðskrár ÁTVR.

*Verðskrá:* ÁTVM birtir verðskrá yfir vörur þær sem hér um ræðir 1. febrúar, 1. júní og 1. október. Upplýsingar um vöru, þ.m.t. afskráningu, skulu berast ÁTVM eigi síðar en 10. dag janúar, maí og september.

*Ferill vöru:* Birgir afhendir ÁTVM vöruna án endurgjalds en fær andvirði hennar greitt í síðasta lagi 3 virkum dögum eftir að sá sem pantaði vöruna hefur fengið hana í hendur.

Frestur birgis til að afhenda vöru frá því hann fær pöntun ÁTVM er 3 virkir dagar.

Birgir skal afhenda vöruna til þjónustudeildar Heiðrúnar, Stuðlahálsi 2, Reykjavík.

Leysi sá er pantaði vöruna hana ekki til sín innan 4 virkra daga frá því varan var tilbúin til afhendingar í verslun ÁTVM endursendir ÁTVM vöruna til birgis.

Birgir skal tilkynna ÁTVM líklegan endingartíma birgða 10. dag hvers mánaðar og tafarlaust sé sýnt að birgðir þrjóti. ÁTVM áskilur sér rétt til að hætta viðskiptum við birgi sé upplýsingaskylda vanrækt.

Í þeim tilvikum þegar verðbreyting tekur gildi milli pöntunar viðskiptavinar ÁTVM og afhendingar vöru til hans mun varan afhent á nýja verðinu og uppgjör við birgi vera í samræmi við það verð.

### Ábyrgð á vöru.

Um ábyrgð gagnvart þriðja aðila gilda almennar reglur.

Birgir taki til sín og endurgreiði við móttöku vöru sem er ósöluhæf vegna gallaðra umbúða eða innihalds.

Taki birgir eigi til sín gallaða vöru eða vöru sem ekki hefur selst nægilega í reynsluflokki eða mánaðaflokki áskilur ÁTVM sér rétt til að krefjast geymslugjalds fyrir vöruna. ÁTVM er heimilt að láta eyða vörunni á kostnað birgis þegar tvær vikur eru liðnar frá því birgja var tilkynnt að hann ætti að taka vöruna til sín.

Reglur þessar koma í stað reglna frá 1. mars 1995 og taka gildi 1. mars 1996.

Reykjavík, 26. febrúar 1996.

Í stjórn Áfengis- og tóbaksverslunar ríkisins:

Hildur Petersen

Þórarinn Sveinsson

Árni Tómasson

Reglur þessar staðfestast hér með skv. 13. gr. reglugerðar nr. 607/1995, um Áfengis- og tóbaksverslun ríkisins.

*Fjármálaráðuneytinu, 29. febrúar 1996.*

F. h. r.

**Indriði H. Þorláksson.**

*Bergþór Magnússon.*